



ქალაქ თბილისის  
მუნიციპალიტეტის საკრებულო



დადგენილება № 17-56  
---

13 აპრილი  
“ --- ” ----- 2018 ♡

ქ. თბილისი

„მშენებლობის (განსაკუთრებული მნიშვნელობის რადიაციული ან ბირთვული ობიექტების მშენებლობის გარდა) სანებართვო პირობების შესრულების დადასტურების (ექსპლუატაციაში მიღების) თაობაზე აქტის გამოცემის (მასში ცვლილების შეტანის) დაჩქარებული მომსახურების მოსაკრებლის გადახდის წესის და ოდენობის განსაზღვრის შესახებ“ ქალაქ თბილისის მუნიციპალიტეტის საკრებულოს 2014 წლის 30 დეკემბრის N20-94 დადგენილებაში ცვლილების შეტანის შესახებ

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2 პუნქტისა და „ნორმატიული აქტების შესახებ“ საქართველოს კანონის მე-20 მუხლის მე-4 პუნქტის საფუძველზე, ქალაქ თბილისის მუნიციპალიტეტის საკრებულო ადგენს:

მუხლი 1. „მშენებლობის (განსაკუთრებული მნიშვნელობის რადიაციული ან ბირთვული ობიექტების მშენებლობის გარდა) სანებართვო პირობების შესრულების დადასტურების (ექსპლუატაციაში მიღების) თაობაზე აქტის გამოცემის (მასში ცვლილების შეტანის) დაჩქარებული მომსახურების მოსაკრებლის გადახდის წესის და ოდენობის განსაზღვრის შესახებ“ ქალაქ თბილისის მუნიციპალიტეტის საკრებულოს 2014 წლის 30 დეკემბრის N20-94 დადგენილებით (ვებ-გვერდი: [www.matsne.gov.ge](http://www.matsne.gov.ge), გამოქვეყნების თარიღი: 05/01/2015, სარეგისტრაციო კოდი 210020030.35.101.016085) დამტკიცებულ წესში შევიდეს ცვლილება და მე-5 მუხლის პირველი პუნქტის „ბ“, „გ“ და „დ“ ქვეპუნქტები ჩამოყალიბდეს შემდეგი რედაქციით:

ბ) III კლასს მიკუთვნებული განაშენიანების ინტენსივობის კოეფიციენტის საანგარიშო ფართობით 1500 მ<sup>2</sup> - მდე და მიწის ზედაპირიდან 14მ-მდე სიმაღლის შენობა-ნაგებობისთვის:

ბ.ა) განცხადების მიღებიდან 3 დღის ვადაში – 2000 ლარი;

ბ.ბ) განცხადების მიღებიდან 5 დღის ვადაში – 1500 ლარი.

გ) III კლასის შენობა-ნაგებობებისთვის ან/და შენობა-ნაგებობებისთვის, რომლის საერთო სამშენებლო ფართი არ აღემატება 6000 მ<sup>2</sup>-ს, გარდა ამ პუნქტის „ბ“ ქვეპუნქტით გათვალისწინებული შენობა-ნაგებობის:

გ.ა) განცხადების მიღებიდან 3 დღის ვადაში – 3000 ლარი;

გ.ბ) განცხადების მიღებიდან 5 დღის ვადაში – 2000 ლარი.

დ) IV კლასის შენობა-ნაგებობებისთვის ან/და შენობა-ნაგებობებისთვის, რომლის საერთო სამშენებლო ფართი აღემატება 6000 მ<sup>2</sup> -ს:

დ.ა) განცხადების მიღებიდან 3 დღის ვადაში – 4000 ლარი.

დ.ბ) განცხადების მიღებიდან 5 დღის ვადაში – 3000 ლარი;

დ.გ) განცხადების მიღებიდან 10 დღის ვადაში – 2000 ლარი.

მუხლი 2. დადგენილება ამოქმედდეს გამოქვეყნებისთანავე.

საკრებულოს თავმჯდომარე



გიორგი ტყემალაძე

## განმარტებითი ბარათი

„მშენებლობის (განსაკუთრებული მნიშვნელობის რადიაციული ან ბირთვული ობიექტების მშენებლობის გარდა) სანებართვო პირობების შესრულების დადასტურების (ექსპლუატაციაში მიღების) თაობაზე აქტის გამოცემის (მასში ცვლილების შეტანის) დაჩქარებული მომსახურების მოსაკრებლის გადახდის წესის და ოდენობის განსაზღვრის შესახებ“ ქალაქ თბილისის მუნიციპალიტეტის საკრებულოს 2014 წლის 30 დეკემბრის N20-94 დადგენილებაში ცვლილების შეტანის შესახებ“ ქალაქ თბილისის მუნიციპალიტეტის საკრებულოს დადგენილების პროექტის თაობაზე

ა) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) მიზეზი/ პროექტის დამახასიათებელი ძირითადი ნიშნები: პროექტის თანახმად, იცვლება მშენებლობის (განსაკუთრებული მნიშვნელობის რადიაციული ან ბირთვული ობიექტების მშენებლობის გარდა) სანებართვო პირობების შესრულების დადასტურების (ექსპლუატაციაში მიღების) თაობაზე აქტის გამოცემის დაჩქარებული მომსახურების მოსაკრებლის ოდენობა. კერძოდ, III კლასს მიკუთვნებული განაშენიანების ინტენსივობის კოეფიციენტის საანგარიშო ფართობით 1500 მ<sup>2</sup> - მდე და მიწის ზედაპირიდან 14მ-მდე სიმაღლის შენობა-ნაგებობისთვის განისაზღვრება: 3 დღის ვადაში – 2000 ლარი ნაცვლად 1000 ლარისა, 5 დღის ვადაში – 1500 ლარი ნაცვლად 700 ლარისა.

III კლასის შენობა-ნაგებობებისთვის ან/და შენობა-ნაგებობებისთვის, რომლის საერთო სამშენებლო ფართი არ აღემატება 6000 მ<sup>2</sup>-ს განისაზღვრება: განცხადების მიღებიდან 3 დღის ვადაში 3000 ლარი ნაცვლად 1500 ლარისა, განცხადების მიღებიდან 5 დღის ვადაში 2000 ლარი ნაცვლად 1000 ლარისა.

IV კლასის შენობა-ნაგებობებისთვის ან/და შენობა-ნაგებობებისთვის, რომლის საერთო სამშენებლო ფართი აღემატება 6000 მ<sup>2</sup>-ს განისაზღვრება: განცხადების მიღებიდან 3 დღის ვადაში 4000 ლარი ნაცვლად 2000 ლარისა, განცხადების მიღებიდან 5 დღის ვადაში 3000 ლარი ნაცვლად 1500 ლარისა, განცხადების მიღებიდან 10 დღის ვადაში 2000 ლარი ნაცვლად 1000 ლარისა.

წარმოდგენილი პროექტით არსებული მომსახურების საფასური ორმაგდება, ვინაიდან გაიზარდა შესაბამისი კლასის შენობა-ნაგებობებზე პროექტის დარღვევით მშენებლობის წარმოებისათვის საჯარიმო თანხები.

საყურადღებოა, რომ განსახილველი პროექტით უქმდება 1 დღიანი მომსახურება, ვინაიდან აღნიშნული დროის მონაკვეთი არის არასაკმარისი რაც ხშირ შემთხვევაში სამსახურს ურთულეს შესაბამისი მომსახურების განხორციელებას.

ბ) პროექტის საფინანსო-ეკონომიკური გაანგარიშება: პროექტის მიღება არ გამოიწვევს დამატებითი ხარჯების გამოყოფას ქალაქ თბილისის მუნიციპალიტეტის ბიუჯეტიდან.

გ) პროექტის ავტორი (ავტორები):

ქალაქ თბილისის მუნიციპალიტეტის მერია.

დ) პროექტის წარმდგენი:

ქალაქ თბილისის მუნიციპალიტეტის მერი.